

COMUN Avis important: Lites de Comun en domënia ai 10 de ma, dales 7.00-21.00. **Chertes da litè che è gnüdes timbrades 18 iadi** ne vel nia plü y mëss gni fates danü. Porchël gnide te comun tl ofize anagrafich pornanch'al é meso a nen lascé fá na nöia.

L'implant reziclaje Alfur é stlüt sabeda (25/4) mo davert vëndres (24/4), 9.00-12.00.

Jonëza y lites de comun 2015: le Sorvisc ai Jogn tëgn sères de inforormaziun y de discusciun por i jogn, moderades da Diego Clara, cun le candidat da ombolt y dui candidat jogn o che rapresentëia la jonëza söles listes. Incuntada a San Martin en jöbia ai 23 d'auri, dales 20.00 tl salf dl Istitut Ladin. Düc i interessá é bel invia da tó pert.

Reuniun generala dla SEA en dedemesaledema, ai 29/4, dales 19.30, tl Istitut Ladin.

SAN MARTIN Y LUNGIARÜ

Prighi por la fede: I proi dla valada se stá cun fistide por l'adejiun de nüscedei ai **"Testemoni de Geova – Zeugen Jehovas"**, che s'abina can chiló can dailó. I proi avertésc che chësta "sceta" ne crei nia te Gejü Crist, sciöche Fi de Di y tan demanco tla Trinité. L'eucaristia y i atri sacramënc ne vëgn da d'ei nia reconesciüs, por alzé fora ma püces mancianges. Por chi che se lascia ite cun ei, él dër ri da gni indò lëdi.

N ater prigo é les formes de **"religiosité esoterica"** che infiltrëia les conzeziuns de fede de nosta jënt. Cün de vigni sort de pratiches y de rituai chiron na sodesfaziun di dejiders dl'anima, danciará da vigni fede. N'atraziun particulara vëgn odüda tla reincarnaziun y döt adöm zënza la presënza de n Di, che é porsona y nes vëgn adincuntra cun amur. Da trames döes chëstes cherdënzes insidioses desson se stravardé!

En lönesc, ai 20 d'auri él tl salf dl paisc a Lungiarü n referat de siur Ulrich Fistill sura i **vangeli apocrifs**, che é gnüs scric dal 200 al 400 d G.Cr. y n'é nia tuc sö tla Bibla, mo che á albü na gran importanza tla religiosité y tl'ert populara (tröc depënc tles dljies y tla leteratöra religiosia), y n lian strënt cun i cater vangeli ofiziali. Düc é invia.

Invit al peregrinaje a Glurns dles **porsones vëdues y sores** dl raiun Bornech en sabeda, ai 25 d'auri. Iade cun marëna costa 36 €. Le bus passa a S. Laurënz dales 7.40. Prenoté cina ai 22 d'auri pro la surastanta dl paisc o tl ofize KVV Bornech 0474 411 149.

En jöbia, ai 23 d'auri él la **"Landeswallfahrt" dles Patrones** cun families a Unsere Liebe Frau im Walde. I piun ia da San Laurënz dales 6.45 cun la coriera. Prenotaziuns y d'atres informaziuns pro Rita Verginer 335 10 19 128.

La **prozesciun por vocaziuns** vëgn tignida en domënia, ai 26 d'auri, dales 14.00 dala dljia de San Linert por la strada d'Anvi sö Oies, olach'al vëgn tigni na funziun.

Iade da Padre Pio dai 30 d'auri cina ai 3 de ma dala Val Badia demez. Informaziuns y prenotaziuns 0474 520 013.

Invit a dötes les "Rites" dla Val Badia a n iade a Santa Rita de Cascia/Umbria ai 26 y 27 de ma (ai 22 de ma n'él nia plü lerch). Prenotesse cina ai 26 d'auri (por savëi ci auto aposté) pro Rita Verginer 335 10 19 128. Cost ca 200 €. Al vëgn ince siur degan.

SAN MARTIN

La Uniun di ei y dles ères invieia ala **festa di maridà iubilars** en domënia, ai 26 d'auri, cun mëssa da festa y a stë n pü adöm tl salf di stödafüch. Düc i pers che é 10, 15, 20, 25, 30, 35, 40, 45, 50, 55 agn maridà é dër bel invia. Chësc avis vel sciöche invit.

Referat **"Me de ce" cun Gregorio Rungger** che baia dles sorts de me de ce, di sintoms plü carateristics, dles prevenziuns, dles terapies, di caji olach'an mëss mëte averda, en dedölönesc, ai 21 d'auri, dales 20.00, tla Ciasa de Palsa a San Martin.

Le Zënter Families Ergobando organisëia **cursc da porté mituns** da 0-3 mëisc. Pröma incuntada a La Ila ai 22 d'auri. Curs de dui iadi le dedemesaledema vigni iade dales 10.00 ales 12.00: a Al Plan ai 29 d'auri y ai 13 de ma y a La Ila ai 6 y ai 20 de ma, por al plü 6 partezipanc. Prenotaziuns pro Sofia 338 71 73 577.

Le Departimënt Educaziun y Cultura Ladina y les Scores de Musiga dles vals ladines, invieia düc i interessá ala rapresentaziun dl **poem musical „Rondení de lijëndes“**, en vëndres, ai 24 d'auri dales 17.00 y dales 20.30 tl salf dla scora mesana da San Martin.

19.4. - 26.4.2015 - nr. 21

Plata dla Cöra

termo por publiché: jöbia 20.00

de San Martin y Lungiarü

3ª DOMËNIA DE PASCA – B

Vangele: Lúca 24,35-48

I dui discepu, che é gnüs derevers da Èmmaus, ti à cunté ai önesc y ai atri discepu, ci ch'al ti é sozedü sön tru y sciöche ai à conesciü Gejü, canch'al rumpî le pan. Ciamò tratan ch'ai baiâ de chësc, él gnü instës amesa ei ite y ti à dit: Pësc a os!

Ai s'á spordü y se temô dassënn, ciodi ch'ai minâ ch'ai odess n spirit.

Dailò ti à dit: Ciodi sëise pa döt spordüs? Ciodi dubitëise pa te osc cör?

Çiaredi a mies mans y a mi pîsc:

I sun iö instës. Piédeme ite, y odede:

Degun spirit n'á cern y ôsc, sciöch'i

odëis pro mè. Pro chëstes parores

ti à mostrè sües mans y sü pîsc.

Ai se fajô demorvëia, mo dala ligrëza

n'ësi nia ciamò bugn da crëie.

Dailò à dit: Èise val' da mangé chilò? Ai ti à dè n toch de pësc apratè; al l'á tut y l'á mangé dan sü edli.

Ai dui discepu ti vardôl pö le cör canche Gejü ti spligâ les scritöres sön tru da jí a Emmaus, y düc adöm l'â pö conesciü canch'al rumpî le pan.

Y šëgn se tëmi indô y n'é nia bugn da crëie che Gejü instës é dailó danter ei, ch'al ó veramënter la pesc, ch'al ó mangé impara y partí cun ei la vita.

Al é da se fá demorvëia, coche i discepu sciafiâ ma da ester tan fora de ce, can insciö can atramënter, y tan pëigri da crëie y da odëi ite.

Y nos ne sun pa nët nia atramënter.

Tl medemo tēmp él da se fá demorvëia porsura le Signur ressorí, da l'amiré y da ester reconescënc, ch'al ne se stancia nia da se desmostré tres indô danü y ch'al ne zed nia da nes audé süa pesc y da fá fora de nos sü testimoní.

I discepu é cherdá da ester testimoní de ci ch'ai á vit: ch'ai á incuté le Ressorí, ch'ai á odü sües plaies, ch'ai á mangé impara y ch'al ti á splighé les Scritöres.

Cun nos n'era nia atramënter: nos testimonium ci ch'i viun:

Ch'i ciafun Gejü tl'eucaristia, ch'i l'incuntun te süa parora, ch'i le sintiun te nosta comunité amesa nos ite.



	SAN MARTIN		LUNGIARÜ
19.04.15 3^a Domënia de Pasca	9.00 Corona 9.30 Gran Mëssa dla Comunité dedô Prozesciun de San Germano	19.04.15 Domënia	7.55 Corona 8.15 Gran Mëssa dla Comunité 14.00 Bato de Miley Dapoz
20.04.15 Lönesc <i>Hildegund, Odeta, Wilhelm</i>		20.04.15 Lönesc	
21.04.15 Dedolönesc <i>Anselm, Vigile, Konrad da Parzham</i>	19.30 Mëssa + + Nando y Hannele Flöss + + Paul y Loise Videsott + sr. Maria Paula Fontanella	21.04.15 Mertesc	
22.04.15 Dedemesaledema <i>Wolfhelm, Cajus</i>		22.04.15 Mercui	7.30 Mëssa + + + Paolina, Karl y Manuel Rifesser aniv. Agata Pezzei in Alfarei + + + Sabina, Oliva y Maria Clara
23.04.15 Jöbia <i>Gheorghe, Iorz, Adalbert</i>	7.30 Mëssa fam. Ivan y Franca Sorá (de rengraziamënt) + + Pepi y Hilda Mutschlechner + + Pia y Giovanni Trebo Corona por vocaziuns 19.30 a San Iöre Gebetstreffen mit Bischof I.Muser um geistl. Berufe	23.04.15 Jöbia	19.30 a San Iöre Gebetstreffen mit Bischof I.Muser um geistl. Berufe
24.04.15 Vëndres <i>Fidelis da Sigmaringen, Wilfried, Teodor</i>	19.30 Adoraziun chîta	24.04.15 Vëndres	7.30 Mëssa + Costantino Mischi + Sisto Clara + Anna Chiusura
25.04.15 Sabeda <i>Merch vangelist, Hermann, Franca</i>	15.30 Mëssa tla Ciasa de Palsa 18.30 Mëssa prefestia + Fonjo Unterweger + Albert Di Bona 20.00 Jugendmesse mit Bischof Ivo im Dom von Brixen	25.04.15 Sabeda	20.00 Mëssa prefestia a d'intenziun de Carlo y Claudia Dapoz en onú de Sant Antone y San Florian aniv. Monica Clara, Frëina 20.00 Jugendmesse mit Bischof Ivo im Dom von Brixen
26.04.15 4^a Domënia de Pasca <i>Domënia dles vocaziuns</i>	9.00 Corona 9.30 Gran Mëssa dla Comunité <i>y festa di maridá iubilars</i> 14.00 Prozesciun da San Linert sö Oies	26.04.15 Domënia	7.55 Corona 8.15 Gran Mëssa dla Comunité 14.00 Prozesciun da San Linert sö Oies